

無極大道再念星移斗轉天尊長生保命天尊不可思議功德

道門科範大全集卷之五十四

道門科範大全集卷之五十五五十六卷 五十七同卷 陸五

廣成先生杜光庭剛定

北斗延生清醮儀

凡奉事上真或不能法天象地隨斗杓而建壇先違道訓也不如不修之為愈建壇之人非內境清明召魂集神聽吾命而造化形止極以伸懇焉則不足以昭格物雖豐而無益也故以祝香為先次以敘陳科教則道俗之倫不是因緣而信心衰焉降聖難矣故以敘事次之既敘事已不能紀述天文對揚元妙則無知北斗之尊也故以述聖次之既述聖已不陳詞則誠不立故以宣詞次之然其陳情請福禳災苟非行道發願後已先人無以契合聖意故以三上香次之既上香已則吾之宿業重罪不可不懺玄功妙善不可不勉不如是則罪不滅而福不降矣故以懺悔次之既懺悔已又當思惟七元之德誠如在焉乃可以幾其佑助故讚德次之既讚德已又當皈依以罄吾之誠願庶幾神必饗焉故以七皈依次之既皈依已可以濁醪之禮表心

故以三獻次之既三獻已威儀既備恩親畢獲言功送神仰空存慕不可以有加也故以散壇終焉止系一詞

祝香

道香德香無為自然香以今焚向爐中奏啓大羅三寶天尊金闕玉皇上帝中天星主紫微大帝南辰北斗本命星君周天河漢列宿羣真仗此真香普同供養臣今奉為弟子某家宣科行道請福禳災先當讚敘條章對揚功德庶使壇場之內道俗之倫悉乃見聞盡生恭敬仰祈恩祐少契天心理合敷陳願垂昭鑒且聞太上立德標清靜之高風其次立言演慈悲之妙典編諸藥笈藏在名山時顯迹以度人或垂科而拯世具述下元之運敷教陳本命之因緣開度斯民歸依大道俾修心而養氣容懺罪以延生常於降聖之期輒許精衷之侍至以三元八節本命生辰嚴置壇場恭修齋醮將嚴觀宇或在家庭持種種之香花精意已享列芬芳之酒果明德惟馨法天地以包

羅像威儀而薦獻修齋則一日而至七日隨力建功命道則一人而至七人請行法事或諷其神呪或認此真形歸心

北斗之尊稽首

紫微之下伸懇於三官五帝連誠於九府四

司為福延生消災捍厄用廣無邊之福仰膺莫大之休念真聖之母遠見邪宗而莫入致災衰之洗蕩同罪業以消除善果臻身福壽資命獲超昇於十極免沉墜於三塗茲皆啓祝之功莫匪扶持之德或有下元生人國土遇札瘥之厄瘟疫流行歲年逢荒歉之災品物不遂屍橫原野氣結萬宵人多飢饉之虞境有刀兵之禍仰遵北帝俯建星壇表達凡情口宣神呪則可以降威靈於下土列車騎於四方布網千重流火萬里收五兵之妖氣致百穀之順成歲樂豐穰民無夭折又有下元生人橫厄競起瘟癘難逃多逢六洞之魔枉遇百罹之苦憑凌第宅常無安寢之期妄作災衰巧伺扼窮之運生魂禁錮久病纏綿或出處連遭或債財壅塞祿有衰微之兆命

無通泰之祥患害多端言詞莫述仰遵北帝俯建星壇奏表凡情口宣神呪則可以添神益算削死注生妖祟蕩除行藏吉利又有下元生人田多蟲孽境富蟲蝗傷稼穡以無成望豐登而莫獲仰遵北帝俯建星壇精敷田野之中備列威儀之具依科誦呪飛奏表章則可以昭格威靈中戒主者致災蟲之墜死養粒食而倍多又有下元生人門庭析系嗣之祥婦女有妊娠之慶或由六甲之內胎氣損傷或居十歲之中年齡夭喪良為重身之日長逢魔女之災懷妖氣以難全飯精華而莫固今有萎黃之疾居多怪夢之憂猶鼠狗猴變形成像暗吞子息頻有死亡貽父母之深憂絕祖宗之遠裔仰遵北帝俯建星壇表達凡情口宣神呪則可以感威靈於上界降玉女於人寰衛護閨闈安和五臟免係誕彌之吉應多壽命之長又有女人分媿艱難呻吟苦楚良由鬼母之嗽致令血臟之乘障閉彌旬就惶萬狀仰遵北帝俯建星壇行道申誠作法誦呪則可以感熱童而下降同玉女

以來臨衛草尊以平安保女男而爽利又有女人遇虎狼之眷屬食子臟之精華百計求男一生無子仰遵北帝俯建星壇淨嚴堂室之中備列香花之獻秉心一德誦呪萬徧則可以掃妖滅邪克多生育凡茲靈應備載寶章乃知衆尼之蠲消盡屬七元之拯救此蓋上真方便至聖慈悲篤志為民推誠澤物苟若齋心布懇備禮修辭啓何願而不成欲何求而不獲以今某研思極慮浴德滌身致意真科歸心妙道建斯壇陸法彼吳穹隨方準杓然燈像斗恭陳法信嚴備香花請仙馭之光臨鑒凡心之密禱巨敬為敘陳經首敷繹真功宣示衆官俾遵法訓檢其心志彌更翹勤庶今感格威靈成就功德然後依儀行道續以啓聞巨等凡情區區無任讚嘆道力延降神光精爽飛越激切屏營之至

道門科範大全集卷之五十五